

06 SEP 1997

UMNO: PERHIMPUNAN AGUNG DISAMBUNG SEMULA

KUALA LUMPUR, 6 Sept (Bernama) -- Perhimpunan Agung Umno masuk hari kedua di Pusat Dagangan Dunia Putra pagi ini dengan penyambungan perbahasan usul ucapan dasar presiden.

Perhimpunan hari ini akan bertumpu kepada perbahasan usul-usul oleh wakil-wakil negeri.

Seramai enam orang membahaskan usul ucapan dasar Presiden semalam. Dua lagi usul yang akan dibentang untuk perbahasan ialah mengenai agama dan ekonomi.

Presiden parti Datuk Seri Dr Mahathir Mohamad dan anggota-anggota Majlis Tertinggi Umno akan menggulung perbahasan pada hari terakhir perhimpunan esok.

Lebih 2,500 orang termasuk 1,905 perwakilan menghadiri perhimpunan itu di Dewan Merdeka.

Perhimpunan itu dipengerusikan oleh Tan Sri Sulaiman Ninam Shah.

-- BERNAMA

MOK NAK